



8. februar 2011

Inatsisartut Suleriaasianni § 37 naapertorlugu Naalakkersuisunut apequt imaattoq matumuuna saqqummiuppara:

Naalakkersuisunut apequt:

- 1. Pilersitsiniarnerit suut tigussaasut Naalakkersuisut aallartissimavaat nunatsinni uranisornermi peqqissutsimut pinngortitamullu sunniutissanik misissuinermi?**
- 2. Kalaallit angalaqatigiit Canada tikeraarsimavaat ilaatigut uraninik piiiaaffiit misissorullugit. Canadami oqartussaasut malillugit Canadami uranisornermi peqqissutsimut pinngortitamullu sunniutit suuppat?**
- 3. Naalakkersuisut misissuisimanerlutik, nunani allani uranimik piiiaaffinni misissuineramik peqareernersoq? Taamaassimangippat Naalakkersuisut nassuiaatikkusuppakka qaqagu tamanna aallartinneqarniarnersoq.**
- 4. Uranisiornermi naaggaarlunnarnerup attatiinnarnera sutigut iluaqutissartaqartussat Naalakkersuisut isigaa?**

(Inatsisartuni ilaasortaq Niels Thomsen, Demokraatit)

Tunngavilersuut:

Aallaqqaasiutigalugu Inuussutissarsiornermut Aatsitassarsiornermullu Naalakkersuisoq uranimut misissuineranut tunngatillugu apequtigisimasannut qularutiginnivissukkannik pitsaanerpaamik akeriarneqarsimaneranut qutsavigerusuppara.

Ajuusaarutigerusuppara apeqqutima siammassinnerisa Inuussutissarsiornermut Aatsitassarsiornermullu Naalakkersuisoq ersarttunik akitissinnaasimangimmagu. Naattumik oqaatigalugu taman-naavoq qulaani apeqqutinut tunngaviusoq.

Ataani nalunartut pillugit 3. januar 2011-mi apequtigisimasama tunngavilersuutaat uteqqippara.

”Tunngavilersuut



Uannut pingaaruteqarpoq ersarissassallugu, Demokraatit uranisorsinnaanissamut isumaat allanngorsimannngimmat. Isumaqartuaannarnikuuvugut pinngortitamut peqqissutsimullu innimiginninneq salliusoq. Aammali isumaqartuaannarnikuuvugut, suliamut ilisimasalinniit ersarisarneqarpat, pinngortitamut peqqissutsimullu uranisiorneq illersorsinnaasoq, taava aallartitoqartariaqartoq, taamaasiornikkut inuiaqatigiit tamarmiusut uranisiornermi isertinneqarumaartussat iluaqautiginerussammatigit.

Demokraatit Inatsisartuni amerlanerussuteqarluartut assigalugit Qoornoq-mi isumaqatigiissut tapersorsorpaat. Isumaqatigiissutip taassuma naattumik oqaatigalugu siunertarivaa, uranisior-nissamut naaggaarluinnarnerup attackallarnissaa. Kisiannili aamma erserpoq, aatsitassanut inatsit qinigaaffiup iluani nalilersoqqinneqassasoq, tamatumanilu avatagiisinut peqqissutsimullu sunniutissat uranisior-nissamut naaggaarluinnarnerup atorunnaarsinnerani misissorneqassallutik.

Misissuinerup taassumap qulakkiissuaa, siunissami uranisior-toqassappat tamanna peqqissutsimut pinngortitamullu illersorsinnaasumik tunngaveqarluni ingerlanneqassasoq. Tamanna tassaavoq tunngaviusoq paasinnikkusunninnut, Naalakkersuisut misissuinerminni sumut killissimanerannit.”

Apeqqutit akeqquneqarput ullut suliffiit naliginnaasut qulit iluanni.